



Greenland Airports A/S

Qeqertanut 1, 3. etage

Box 2000

3900 Nuuk

Att.: Morten Thrane

**Nuup Mittarfiata allineqarneranut atatillugu ASN-imi suliamik
allannguinnissaq nalunaarutigineqartoq pillugu aalajangiineq – Nuup
Mittarfiani sermiiasarneq**

Brevdato: 25-09-2024

Sagsnr.: 2023 - 7444

Akt-id: 24112146

Postboks 1614

3900 Nuuk

Tlf. (+299) 34 50 00

Fax (+299) 34 54 10

E-mail: pan@nanoq.gl

www.naalakkersuisut.gl

Nunalerinermut, Imminut Pilersornermut, Nukissiutinut Avatangiisinullu Naalakkersuisoqarfiup (Naalakkersuisoqarfik) 17. juuli 2024-mi ASN-imut nalunaarummi¹ ilanngussaq 3 naapertorlugu ASN-imi suliamik “Nuup Mittarfiata allineqarnera”-nik allannguinnissamut nalunaarut Greenland Airports-imit (siornatigut Kalaallit Airports - KAIR) tiguaa.

Suliamik allannguinnissamut nalunaarut Nuup mittarfiata allineqarneranut atatillugu timmisartunut mittarfiullu quasanneranut sermiiatinik atuinerup annertusissutissaatut naatsorsuutigineqartunut tunngasuvoq.

Tunngavigisaq

1. marsi 2019-imi Nuup Mittarfiata allineqarnissaanut ASN Naalakkersuisunit akuerineqarpoq. Tamatumunnga atatillugu mittarfissap sananeqarnissaanut ingerlanneqarnissaanullu piumasqaatit arlallit suliarineqarput, taakkununnga sermiiaatit timmisartunut mittarfimmullu atorneqartussat amerlassusissaasa missiliorneri ilaallutik. Kisiannili mittarfiup allineqarnerani suliasat immikkoortuinut ingerlaavartumik pilersaarusernerit tunngavigalugit sermiiatinik atorneqartussanik amerlassusiliinerit missiliorneqartut iluarsineqarnissaannik tunngavissiisimapput. Taamaattumik siunissami Nuup

Atortut ilaasa avatangiisinut sunniutaannik nalilersuineq aamma avatangiisinik nakkutilliinermut akiliutit pillugit Namminersorlutik Oqartussat nalunaarutaat nr. 5, 27. marts 2013-imeersoq

Mittarfiata isumannaatsumik ingerlanneqarnissaa qulakkeerniarlugu sermiiatinik atuinerup annertusinissaa naatsorsuutigineqarpoq.

Mittarfiup quatsernaveersaartinneqarneranut aamma timmisartunik sermiiianermut tunisassiat Aviform aamma Cryotech Polar Plus 80/Cryotech Polar Guard II atorneqartarput. Akuersissut atuuttoq naapertorlugu Aviform-imik 54 tonsit tikillugit aamma Cryotech Polar Plus 80/Cryotech Polar Guard II-mik 15.000 literit tikillugit atuinissaq akuerisaavoq. ASN-imut nalunaarummi nassiunneqartumi siunissami sermiiatinik taakkuninnga atuinerup annerpaaffissaa Aviform-imut 200 tonsinut aamma Cryotech Polar Plus 80/Cryotech Polar Guard II-mut 50.000 literinut missiliorneqarpoq.

Sermiiaatit timmisartunut atorneqartut sapinngisamik annertunerpaamik milluarneqarlutik piiarneqartassapput, aammalu Nuummi anartarfinnik imaarsivikkut Nuup Kangerluanut kuutsinneqartarnissaat naatsorsuutigineqarpoq. Tunisassiat, terminaleqarfimmut timmisartullu unittarfiinut il.il. atorneqartut sinnikuisa isumagineqarnerini aput/sermeq Nuup Kangerluanut kuuttussanngorlugu katersorneqartassaaq.

Tunisassiat sermiiianermut atorneqartartut pinngortitami arortikkuminartuupput, aammalu kuuffiusumi iltimik atuinermik annertusititsisartussaapput. Naliliineq malillugu sarfaq erngullu annertuumik taarseraannera avatangiisinut sunniutissanik killilersuisinnaapput. Tunisassiat atorneqartut taratsunik inuussutissartalinnik akoqanngillat, taamaattumillu inuussutissat akuleruttarnerisa ajornartorsiutaaneranut annertuumik sunniuteqartussaanatik. Suli Qinngutta ilorpassisortaanani malussajasumi avatangiisit erngup errorutuutikup, sermiiianermit tunisassiat sinnikuinik akullip angusartussaavaa. Kuuttut Qinngutsinnut apuuttartussat annikillisinniarlugit suliniutit avatangiisit annertuumik sunnerneqarnissaannik pinaveersaartitsinissamut naammassasut naatsorsuutigineqarpoq. Tamatumunnga Immap Qaavanik Alapernaarsuineq pillugu nalunaarut suliarineqartoq kingulleq tunngavigineqarpoq, tassanilu 2023-mi suliav atangiisinut annertuumik sunniuteqarsimannngitsut inerniliissutigineqarpoq.

Naalakkersuisoqarfiup naliliinermini avatangiisini pissutsit uku immikkut eqqumaffigai:

- Sermiiaatinik atuinerup eqqaanerullu annertusinissaat avatangiisinut annertuumik sunniuteqartussatut naliliiffigineqarnerisq.
- Tunisassiat, sermiiianermut atorneqartussat toqqarneqarnerini avatangiisinut sunniutissat aamma inuiaqatigiit aningaasaqarneranni eqqarsaatigisassat eqqarsaatigineqarsimanersut.
- Greenland Airports-ip imeq errortuutikoq isumagisinnaaneraa, aamma aput/sermeq sermiiatinik akulik avatangiisinut isumannaatsumik suliarisinnaaneraa.

Aalajangiineq

Nuup mittarfiani isumannaatsumik ingerlatsiniarluni sermiiatinik atuinerup annertusinissaanik naatsorsuutigisaqarneq pillugu suliammut allannguut ASN-imut nalunaarut naapertorlugi ASN-iliortussaataaffi ussanngilaq.

Aalajangiinermut tunngavisoq

Greenland Airports-ip “Nuup Mittarfiata allineqarnera” pillugu ASN-imi suliamut atatillugu sermiiatinik atuinerup annertusineqarnissaanut suliamut allannguutissatut nalunaarutaa, suliami allannguutip avatangiisinut sunniutissaatut naatsorsuutigineqartut naliliiffiginialugit suliarineqarpoq.

ASN-imut nalunaarummi siunissami annerpaamik sermiiatinik Avifom-inik 200 tonsinik aamma Cryotech Polar Plus 80/Cryotech Polar Guard II-nik 50.000 literinik atuisoqalernerani Nuup Mittarfiata isumannaatsumik ingerlanneqarnissaata qulakkeerneqarnissaa siunnerfigineqarpoq. Urea-nik ermiiianermut atuisoqartassanngilaq. Missiliukkat taakku akuersissummut pioreersumut naleqqiullugu annertuumik annertusititsinerupput.

Mittarfiliorneq sanaartugaavoq ASN-imut akuerisaq, taamaattumillu suliami allannguinerit ASN-imut maleruagassat naapertorlugit nalunaarutigineqartussaapput, suliami allannguinerit ASN-imut nalunaarummi § 5, imm. 2 naapertorlugu imminnerminni ASN-iliortussaataffaiffinersut naliliiffiginarlugu.

Mittarfiup isumannaatsumik ingerlanneqarnissaanut sermiiatit, avatangiisinut sunniuteqarsinnaasut atorneqartariaqarput. Siusinnerusukkut ASN-imut akuersissutaasumi avatangiisinut mingutsitsinerup annikillisarnissaanut iliuusissat allassimapput. Tassani sermiiatit, timmisartunut atorneqartut milluarlugit piiarneqartut Nuummi anartarfinnik imaarsivikkut iginneqartarnissaat ilaatinneqarpoq. Tassalu aputinik/serminik katersuinikkut sinnikut annersaat (75%-it missaanniittut) aallutik Nuup Kangerluanut kuugunneqartartussaapput. Sermiiatit atorneqartut uumassusillit ingerlaarnerini iltimik atuinermik annertusititsisussaapput. Kuuffiusuni akukilliartornissamut pissutsit peqqutaallutik, tamanna avatangiisinut annertuumik sunniuteqartussat naliliiffigineqanngilaq. Suli Qinngorpumut malussajannerusumut sarfaattoortoqartartussaavoq, tamannali avatangiisinut annertuumik isumaqartussat naatsorsuutigineqanngilaq. Siornatigut ilimagineqareersut Urea-nik atuisoqanngimmat, inuussutissat akulerunnerisa kingunerisaannik avatangiisinut sunniutissat annikitsuaraassapput.

Erseqqissaatigineqassaaq, imermik errortuutikumik sikuiaatinik akulimmik Nuummi anartarfinnik imaarsiviit aqutigalugit isumannaatsumik igitsisarnissaq pillugu Kommuneqarfik Sermersuumut qinnuteqaammik ingerlatsisoqartoq Naalakkersuisoqarfimmit ilisimaneqarmat.

Sermiiatinut atorneqartunut paasissutissatut allattukkat naapertorlugit sermiiatit pinngortitami arortarput, aammalu immikkoortiterinermi ulorianaateqanngitsutut inissisimallutik. Tunisassiat sermiiannermut atorneqartartut sapinngisamik avatangiisinut ulorianaateqartussaannngillat, aammalu maannarpiaq tunisassianik, avatangiisinut annertuumik pitsannguiffiusussanik allanik qinigassaqqanngilaq..

Ukiorpassuarni Nuup Mittarfiani upalungaarsimanermi
sungiusartoqartarsimanera Naalakkersuisoqarfiup aalajangiinermini
pingaartippaa. Taamaattumik upalungaarsimasut ikiorsiissutit, mittarfiup
ingerlanneqarneranut atorneqartut piaarinaatsoorluni kuisoornerini
isumaginninnissamut sungiussisimasuupput. Aamma upalungaarsimanermut
pilarsaarutiniq nutarterinermi kuisoorortoqarnissaanut upalungaarsimanermi
suliniutit pitsanngorsaqqillugit suliarineqarput. Kiisalu sermiiatinik atuilluni
ulluinnarni isumaginninnerit ingerlatsinerillu isumannaatsumik ingerlanneqartut
isigineqarput. Sermiiatinik toqqortaqaarnerni ASN-imut akuersissummi
piumasagaatit malinneqartussaapput.

Nalunaaruteqarnermi najoqqutarineqartut, aammalu taakkunani avatangiisinik
naliliinerit, tassungalu atatillugu ASN-imut nassuiaammi avatangiisinik
naliliinerit, kiisalu immap qaavanik alapernaarsuinerit tunngavigalugit
Naalakkersuisoqarfik naliliivoq, suliarnut allannguutit immami avatangiisinut
annertuumik sunniuteqartussaangitsut.

Aamma sermiiatinik atuinerup annertusineqarnera, avatangiisini pineqartunut
allanut (naasut/uumasut, angallannikkut pissutsit, nipiliornerit/sajuppilutsitsinerit,
silaannarmik mingutsitsinerit/aniatitsinerit, isumalluutiniq atuinerit, eqqakkat,
nunamik mingutsitsinerit) annertuumik sunniuteqarnissaa
naatsorsuutigineqanngilaq.

Suliami allannguutit avatangiisinut annertuumik
sunniuteqarnerluttussaangimmata, ASN-imut nalunaarut naapertorlugu suliarnut
allannguutit ASN-iliortussaataitanermik kinguneqassanngillat.

Tamanut ammasumik saqqummiussineq aamma maalaaruteqarnissamut ilitsersuut

ASN-imut nalunaarummi §§ 22 aamma 23 naapertorlugit Nunalerinermut,
Imminut Pilersornermut, Nukissiutinut Avatangiisinullu Naalakkersuisup

aalajangiineq www.naalakkersuisut.gl kiisalu nuna tamakkerlugu aamma najukkani tusagassiorfiit aqutigalugit tamanut ammasumik saqqummiutissavaa.

Aalajangiineq Avatangiisinik Illersuineq pillugu Inatsimmi² § 60, imm. 1 naapertorlugu Avatangiisinik Illersuineq pillugu Maalaaruteqartarfimmut, ASN-imut nalunaarummi § 33 naapertorlugu Naalakkersuisunit pilersinneqarsimasumut maalaarutigineqarsinnaavoq.

Avatangiisinik Illersuineq pillugu Inatsimmi § 60, imm. 2 naapertorlugu maalaaruteqarsinnaapput:

- Aalajangiiffigisaasoq
- Nakorsaaneqarfik
- Kikkulluunniit suliap inerneqarneranut ataasiakkaarlutik imaluunniit annertuumik soqutigisaqartutut ilimagineqartariaqartut
- Peqatigiiffiit kattuffiillu, malittarisassatik malillugit sukisaarsaarnermut, avatangiisinut pinngortitamullu soqutigisanik annertuunik isumaginninnissamik siunertaqartut

Avatangiisinik allanngutsaaliuineranut inatsimmi § 60, imm. 3 naapertorlugu maalaaruteqarnissamut piffissaliussaq sapaatit akunnerinik arfinilinnik sivisussuseqarpoq, ullormit aalajangiiffiusumit naatsorsorlugu.

Maalaarutaasinnaasut uunga nassiunneqassapput:

Nunalerinermut, Imminut Pilersornermut, Nukissiutinut Avatangiisinullu

Naalakkersuisoqarfik

Imaneq 1A

Postboks 1614

3900 Nuuk

E-mail: pan@nanoq.gl

² Avatangiisit innarlitsaaliorneqarnissaanik Inatsisartut inatsisaat nr. 9, 22. november 2011-meersoq

Tamatuma kingorna Naalackersuisoqarfiup maalaarut najoqqutassanik, suliap naliliiffigineqarneranut ilaatinneqartunik ilaqartillugu Avatangiisinik Illersuinissaq pillugu Maalaaruteqartarfimmut nassiutissavaa. Tamatuma peqatigisaanik suliami akuusut suliami maalaarummik tigusaqartoqarnera pillugu ilisimatinneqassapput.

Maalaaruteqartarfiup aalajangiineri allaffissornikkut oqartussaasunut allanut ingerlateqqinneqarsinnaanngillat, tak. Avatangiisinik Illersuinermit Inatsimmi § 60, imm. 4.

Avatangiisit Innarlitsaaliorneqarnissaannut Inatsimmi § 63, imm. 1 naapertorlugu tamat maalaarutaat piffissami Avatangiisinik Illersuineq pillugu Maalaaruteqartarfiata maalaarutaasimasinnaasunik suliaqarfiani atuuttussanngortitsissanngillat, tamatumani Naalackersuisut allamik aalajangiisimanngippata.

Piffissap maalaaruteqarfiusussap naanissaa sioqqullugu illuliassat sanaartugassallu aallartinneqassanngillat, tak. Avatangiisinik allanngutsaaliuinermit inatsimmi § 64, imm. 1.

Aalajangiineq aalajangiinerup nalunaarutigineqarneraniit qaammatit arfinillit iluanni eqqartuussivimmut suliakkiissutigineqarsinnaavoq, tak. Avatangiisinik Illersuinermit Inatsimmi § 65.

Inussiarnersumik inuulluaqqusillunga



Natuk Lund Meire

Naalackersuisoqarfimmi pisortaaneq

Nunalerinermit, Imminut Pilersornermit, Nukissiutinut Avatangiisinullu Naalackersuisoqarfik